

Convocatoria

V Concurso de Fotografía

Museo Liste de Vigo

2018

Bases

1. **Aspectos xerais:** V convocatoria do Concurso de Fotografía do Museo Liste de Vigo co gallo da celebración do Día Internacional dos Museos. O concurso pretende fomentar o coñecemento e a creatividade a través da práctica da fotografía co fin de destacar variados aspectos históricos e etnográficos da nosa cidade.

As fotografías a concurso serán valoradas atendendo, principalmente, a tres criterios:

- Estético: valorarase a beleza da fotografía e a sensibilidade á hora de recoller certos aspectos que singularicen e dignifiquen o elemento fotografado.
- Técnico: valoraranse aspectos puramente asociados á técnica desta arte.
- Documental: valorarase que as fotografías presentadas acaden o valor de documento gráfico como forma de recoller e difundir coñecemento.



2. **Temática: “Símbolos da industria de Vigo”.** O tema proposto para este ano refírese ao patrimonio industrial vigués.

A industria viguesa constituíu, sobre todo dende o inicio do século pasado, o grande motor do desenvolvemento económico da nosa cidade. As conserveiras e o sector naval foron clave no progreso urbano. Destas e doutras moitas industrias e actividades consérvanse vestixios, ás veces moi familiares na fisionomía da cidade, e outras descoñecidos, conformando un patrimonio industrial do que xa desapareceron unha chea de elementos e que require do noso empeño para conservalo e para a súa posta en valor.

Os elementos fotografados deberán estar presentes a día de hoxe na cidade. Han de ser fotografías actuais realizadas *ex professo* para o concurso. É imprescindible que xunto cos datos do participante aparezan identificados, coa súa localización, os elementos fotografados.

3. **Participantes e número de obras:** maiores de 18 anos cun número máximo de tres fotografías por persoa, se ben nunca recaerán dous premios no mesmo participante.

4. **Premios:** establécense 3 premios. Un primeiro premio dotado con 200 euros en metálico e dous premios mais que recibirán unha figura conmemorativa realizada por unha artesá local. Así mesmo as obras serán expostas durante un período de 30 días na sede da Fundación Liste - Museo Etnográfico de Vigo.

A entrega de premios e a inauguración da exposición das fotografías premiadas realizarase o día 17 de maio, “Día das Letras Galegas” a partir das 12:30 h. na sede do Museo.

- 5. Presentación das obras, identificación e envío:** As fotografías serán enviadas por correo electrónico en arquivos axuntos de xeito individual (un arquivo por fotografía). O nome do arquivo axunto será o do título da fotografía, mentres que no texto da mensaxe especificaranse os datos do participante que deberán incluír: nome e apelidos; dirección postal (domicilio, código postal, poboación, provincia); dirección de correo electrónico e teléfono de contacto; título da foto e lugar de realización da mesma. O tamaño da fotografía deberá ser de 2362 x 3543 píxeles, ou ben 20 x 30 cm. cunha resolución mínima de 300 puntos por polgada e en formato jpeg. Non se admitirán fotomontaxes.
- O enderezo de envío é: didactica@museoliste.org.
- Tamén poderán ser enviadas por correo postal en unidade de almacenamento USB ou CD.
- Confirmarase recepción.
- Todas as obras presentadas deberán ser orixinais, inéditas e non premiadas con anterioridade en ningún concurso.
- É imprescindible o cumprimento das devanditas bases.
- 6. Prazo de recepción das obras:** dende a publicación da convocatoria ata o 24 de abril de 2018.
- 7. Selección de obras, xurado e fallo:** o xurado encargado de seleccionar as obras gañadoras estará formado por dous expertos en fotografía, un experto en etnografía e patrimonio, un membro do padroado da Fundación Liste e un membro do persoal técnico do Museo. **O fallo do xurado será comunicado aos gañadores vía telefónica e publicado na páxina web do Museo e en prensa a partir do 11 de maio de 2018.**
- 8. Outros:**
- Cesión dos dereitos de reprodución das fotografías gañadoras sempre que se mencione o autor e teña como fin a divulgación e promoción cultural e, en calquera caso, sen ningún tipo de beneficio económico.
 - Os autores responsabilizaranse da autoría e orixinalidade das obras presentadas así como de que non existan dereitos de terceiros sobre as mesmas e de calquera reclamación que por dereitos de imaxe puidera formularse.
 - O feito de participar implica a aceptación íntegra das presentes bases.
 - En todo aquilo non previsto nestas bases, a Fundación Liste - Museo Etnográfico de Vigo resolverá o que proceda.
- 9. Información:** a través do teléfono 986244698 ou a través do enderezo didactica@museoliste.org.